

Berdad nunca •
a perjudica •
ningun hende •
ningun causa •
ni ningun •
nacion •



• E Matutino di Aruba •

Un Bandera... Un Escudo... Un Himno... Un DIARIO

Telefon 826747 • Fax 828551 • <http://www.diarioaruba.com> • Engelandstraat 29 • diario@setarnet.aw

CELEBRANDO 20 AÑA CU PUEBLO

Aña 21 No. 6069 - 1 Florin

DIAHUEBS 1 FEBRUARI 2001

Trahadornan ta den incertidumbre

EL PASO TA OFRECE DIFERENTE TRAHADOR DI COASTAL PA RETIRA

ORANJESTAD(AAN) — Ta reina un preocupacion y incertidumbre grandi entre e trahadornan cu Coastal tin den su servicio y cu awor ta cay bao di El Paso cu recientemente a cumpra Coastal. Informacion cu DIARIO a haya ta muestra cu diferente trahadornan, especialmente esnan di “edad” ta hayando oferta di El Paso pa nan retira. Esaki a crea e impresion cerca e trahadornan cu El Paso kier reduci e cantidad di personal. Ya caba tin diferente di e trahadornan cu a kita y a bay traha den exterior riba contract pa algun aña. Un otro asunto cu tin e trahadornan sumamente preocupa ta e hecho cu nan ta teme cu nan placa cu nan a hinca den

e asina yama “stock plus share” lo por core peliger. Ta asina cu e trahadornan di Coastal tin un sistema caminda nan ta inverti y e placa aki ta sigui rende debi na e porcentahe cu Coastal ta ofrece den “stock plus share”. Awor cu El Paso a tuma over, El Paso a notifica nan cu e porcentahe aki a baha. Esey a pone cu diferente di e trahadornan a y ta haciendo e tramitenan pa saca nan placa for di e “stock plus share” y deposita esaki den un banco ya cu nan no ta confia e situacion. Esaki ta muestra cu ta reina preocupacion entre e trahadornan pasobra nan no sa kico ta bay pasa cu nan y kico lo bay sosode aki dos aña ora e contract cancela.